



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

VII. Quàm pronum se Otto beatißimus ad hoc opus exhibuerit.

urn:nbn:de:hbz:466:1-41527

virtute humiliata, sociari Ecclesie per baptismi lauacrum, seq̄ admitti petiuit. Sed ecce per triennium laboro, quod nullum Episcoporum vel Sacerdotum idoneorum mihi uide coassinium ad hoc opus inducere queo. Unde, quia tua sanctitas ad omne opus bonum prompta & indefessa predicatur, rogamus Pater amantissime, non te pigeat, nostro comitante seruitio, pro Dei gloria, tuæq̄ beatitudinis incremento, ad laboris assumere. Sed & ego tuæ paternitatis deuotus famulus impensas omnes, & socios itineris & lingua interpretes, & coadiutores presbyteros, & quæcunque necessaria fuerint, præbebo: tu tantum venire dignare.

Quàm pronum se Otto beatissimus ad hoc opus exhibuerit.

CAPVT SEPTIMVM.

S. Otto pronitiam oblatam cupidissime arripit.



Is auditis Episcopus quasi de celo vocē loquentis Dei accepisset, toto pectore abundantia latitiæ repletus, gratias egit omnipotenti Deo, quod ad tale negotium suo uti dignaretur ministerio. Habito igitur chori & Cleri sui consilio, missis ad Apostolicam sedem legatis, cum licentia & benedictione, atque obedientia venerandæ memoriæ Domini * Honorij Papæ huic gratissimæ sarcinæ humerum deuotè applicauit.

Sed quia terram Pomeranorum, fama ferente, opulentam audiuerat, & egenos atque mendicos penitus non habere, sed vehementer aspernari, & iam dudum quosdam seruos Dei Prædicatores, egenos ac sensu tenues propter inopiam contempnissis, quasi non pro salute hominum, sed pro sua necessitate leuanda, officio insisterent prædicandi, studiosè procurauit, ut non solum illis non indigens, verum etiam opulentus appareret: non opes eorum sibi, sed ipsos potius uelle Deo lucrari.

Assumptis igitur Clericis idoneis, & eisdem ad iter abundè procuratis, Missales, aliosque libros & calices cum indumentis sacerdotalibus, & alia quæque altaris utensilia, quæ in gente

* *Casti. Vide Baron. Tom. 12. Anno 1124.*

Daniel Cramerus, Lutheranus præco, lib. 1. Chron. Pomer. cap. 19. narrat Bernardum Eremitem, à Pomerania non auditum imò & repulsum fuisse, quod omnium

verum egens aduenisset. S. Otto parat se ad iter Pomeranicum, & quo modo.

gente pagana subitò inueniri non posse sciebat, prouida liberalitate secum fecit portari, ne sine instrumentis agricola fidus in agrum Domini sui exire videretur. Vestes quoque & pannos preciosos, aliaque donaria nobilibus ac diuitibus apta, Euangelista simplex & prudens in viam portauit Euangelij, ne fortè indigentia causa, paganis videretur euangelizare, sed nouellæ plantationi sua potius conferre, quàm illius appetere.

Timo. Parum te hîc submoneo, non tibi sit iniuria. Video equidem quibus causarum euentibus ad illam gentem tam longinquam Ottonem nostrum ire contigerit. Sed quâ illiciter egerit, & quo tempore in viam ierit, leuiaque siue aspera viâ dicere non omittas, ne errare incipiam, si & ego eò ire velim.

Sefridus. Vt vis, & in hoc ego obediam.

Quo tempore, qua via illuc properauerit?

CAPVT OCTAVVM.

PAratis omnibus, quæ profectio*n*i erant necessaria, proxima die post festum B. Georgij Martyris, salutato Clero & populo suo, tanquam hoc opere viam sanctificaret, duas Ecclesias, vnam in *Luckenperge*, & aliam in *Vohendrese* consecrauit. Hinc, transito nemore Bohemico, per Abbatiam * *Cladruuam* ventum est *Pragam*; inde per *Satischam* in Albi fluminis ripa sitam Ecclesiam, ad castrum Ducis Bohemici, quod *Miletiam* dicunt, vbi à Duce ipso magnificè susceptus & donis honoratus est. Inde per aliud eius castrum *Burda* nomine, vsque *Nemetiam*, Urbem Ducis Polonorum, atque inde per tres Episcopatus *Poloniae*, *Bretzlauensem* videlicet, & *Calissensem*, atque *Bozenamensem*, vsque ad Episcopatum *Genezensem* cum gaudio & pace conducti sumus, omni*b*us illis Ecclesiis vnâ salutationis fa-

Sefridus.
Iter S. Orbanis
in Pomerania.

* *Edir. Canis.*
Cladrim.